

Nyapraang ngâle ngînthonkthô : Willem de Vink

Jisu Messiah



J
I
S
U

M
E
S
S
I
A
H

Chentô sanpoat kowah ngînkông dongthhôan

Chenni a..



Joban ngintatte: Mit ma lakhēli Joban ngintatte (p.5).

Asâthhôan Nyapkhaa: Asâthhôan Nyapkhaa ko Joban ma ate mihnyân hehnâng chenroh sû-ekah ngâle thin demnâng te a chenroh dang ekah a ere echohweh e.

Rangkep: Joban ma Ate ngîn kep- lahma tme chenni hûn ekah a ere moatlem moatte hehnâng rongrup asenli koh ekah ko ngâ-ekah.

Arôamma rôamphhek chhah: Jisu dijûnte heh Ate rit ngâle ngak-hîn pa chhêmhûn râng baankêng ngâle penriti arôamma rôamphhek chhah ko ngâ-ekah (p.41).

Bângphak: Mih chêmsiet lahma ritphethîn bângphak, ere bângphak ko Jisu ate dede hûngsi jûnko ritwah. Ere bângphak pa Jisu dijûnte ngâma jetthîn sêmmak râng dang ekah. (P. 25, 50)

Jisu dijûnte (p. 18),

Easter: Erejâ ko Jisu aritwah ngak-hîn rangwô kuhhôan ekah. Erejâ kojô Jews hehma Dânhkhôam Lôkuh kuh-ekah.

Rôantang rôanjêng rôandông; Are rôantang rôanjêng rôandông pa Joban ma Jisu demnâng dongthuk ehî. Epumma arit pa jien ekah ngâle eko athhôan ahô (p. 23, 29-30 ngâle 59).

Pûtê dâlêm: Joban ma chenni moatrâng tôamsemth a epa emo e ngâma Nangma pütê dâlem ekoh ko ngâ-ekah (p.58).

Mapkoh: Mihnyân hêñ ma-jô map tâchohli ladang madang ekomîn Joban ma map koh ehî. Nanga linlinjô nang pap rângma chhihthonghûn lohma hûng ma-ngaklit oko Joban ma map ekohho. Map pa ekohhî, chenrâng ma ngâko nângma chêmchoh thîn pa nâng lit ko Jisu ma choh ekah (p.58).



Joban Hahsông: Joban Hahsông pa chenko mihnyân hehma Ate ngîn kep- ekah a eko tonga.

Ju: Joban Ju, Ate ma Jisu dijûnte mihnyân heh khhennâng sôngthuk hûn ekah (p.58).

Jisu : Joban Chha mîn, are ngâ-ekah pa, 'Joban ma pâng ekah' ngâma ngâ-ekah.

Messiah: 'Tien ma hutkoh wah Lowang'. Messiah (apa Hebrew jabkhab) epa Greek jabnâng Krista ngâma litraang ekah (p. 52, 55).

Rangsôam: Rangsôam ko nanga Joban demnâng jabmîn ekoh, ahuhchha masôam komîn achân ma masôam okomîn. Ngâle nangma Jisu Ate nângmîn jetat ekoh (p. 18,19, 42)

Angaksat: Jisu aritwah ngaksat wah. Jâtheh angâ-ngâ aritwah ngaksat min. Angaksat: Jisu aritwah ngaksat wah. Ediko Joban ma chentô mihnyân nyûchha heh angâ-ngâ nâng achhih asen pa rênmin (p.53-57)

Chenthû Jisu hahtokkhoh ko ma-ngakkâ thah ko chentô pa anyan ngak-hôan min. Joban ma rang ahah pa anyan ngak-hôan min (p. 57).

Soitan: Mitma lakhêli Joban ngâle mihnyân ran (tenâng juchhî mîn ngâ-ekah).

Pap : Nângma Joban ma hûn ekah lêlat nâng mo-ekî moatlem ko ngâ-ekah, ngâle nangnâng Joban ma thiênkoh ehî theko lata-hûwâng thuk tâng-abâng thuk ehî ko ngâ-ekah (p.4).

Joban Chha: Epa Jisu mîn. Te a Joban, rohkomîn mihnyân râng lit lahma hahtokkhoh ko kâ-erah, Joban Chha mînko kâ-erah.




Jisu Messiah pa hēn a?


2000 rangpâ mako Jisu Israel nâng sông wah. Nâng ma Tenâng 'Jisu Messiah' ngâma roo-ekî, bâ 'Jisu Krista' ngâma roo-ekî. Epa Te a Lowang ngâma ngâ-ekah. Rohkomîn, Te a Lowang länlän dangmah. Jisu pa 'Joban Chha' ngâle 'mihnyân chha' mîn ngâ-ekah. Erohwah Te a Joban Chha mîn ngâle mihnyân chha mîn ngâ-ekah. Jisu rôandöng ngîn pa Asâthhôan Nyapkhaa ko raang lahma tonga. Epa chentô sanpoat rängma ngînköng dongthhôan.

Jisu sanpoat

Nâng sanpoat pa Jisu chhat sanpoat pumma bêngdang ekah. Mihnyân heh dâma, donkey ma, camel ma ngâle mok têmkhoh ma chíkhhôam wah. Ajaighthêm Europe diak heh, Sankat-nge wah diak heh, Dekchah-nge wah Africa diak heh Roman Lowang hehma pénwah. Ajaighthêm mihnyân heh ma Nyapraang jienweh jienraang hô. Rohkomîn Israel diak wah Jews hehma jienweh jienraang wah. Thinnâng 'nyapweh Nyapraang te' mihnyân ngâma ngatwah.

Joban ma Asâthhôan Nyapraang jünma jabmîn wah. Te a chentô pa têm-atiekte ngâle Te a chentô mihnyân demnâng lemrüchha dângħûn ekah. Epa Jisu ma senthêmthêm khêsok ekah.





Jisu sanpoat wah Israe

Hahdaang dong: Jerusalem.

Jaa: Galilee, Samaria, Judea.

Hahthâm: Hahthâm pa 28,000 km² (10,810sq. miles) tô tadanga.

Rangkuh póngwut: Rangkhâm mīn dangmah rangkih mīn dangmah.

Hahpênte: 63 BC (Krista Mako) Israel diak pa Roman hehma pénwah.

Diakpênte: Roman governor Pontius Pilate ma Israel diak pa pénwah. Ate khoko Roman Chophâ Tiberius ma pénwah.

Rangsôam nîem: Rangsôam nîem pa Judaism dângwah. Jews hehnâng Jerusalem nâng rangsôam dângwah. Chentô rangsôam nîem-arang moatlem heh moatrâng sôam-aroakte heh dângwah ngâle (Pharisee heh rângrâng) mihnyân hehnâng Asâthhôan Nyapraang kowah hêthô räng ahêthôte heh dângwah.

Jabkhab: Hebrew jab pa Jews hehma jabwah, Greek jab pa chentô diak-akan mihnyân jabwah, Latin jab pa Roman mihnyân hehma jabwah.



Are mihnyān heh jokah ko chenrāng ma khhōanwak ekah a?



Nêdede chep-achā letma tongen,
Joban hahsông pa kă-erah!

Rôandông nyan dongen!




Joban ma achhih asen
rênhîn wâka pa bângrin
hehnâng lâ- thiêntah...



Penrî-rîsen larîte bâng heh
phangtang rûnjoat lahma
w  n n  ng thhekmin!





N  ngkh   m  n phangtang eroh
rûnjoat min. H  n rôandôngsen
t  d  ng min a?



Ere r  ngr  ng! Joban ma achhih
asen r  n ekah kowah h  nm  n
lata p  nchhoan min. Rohkom  n
ng  -diko w  theh ek  rah atema
n   h  ng eta litsiet hen.

N  ma linlinj   n   rôandông pa
ajatjat d  ng'h  n madangen ko,
n   pap heh map tha letma are
joko k  letma baptijem kep en!





Ade ph  m  ma n   a rôandông nyan
d  ngr  ng ma n   pap hehwah l  s  t  !

Angā-ngāma Joban ngīnkōng thôte
John Baptist nāng jokah ko roowah.....

Ngā a chentejō dangmak.
Ngāma nāngnāng Joban
pa hēn a epa khēsokte
lem bā sāmkoh ekāng.
Tema nēnāng Joban Ju
ngāle Joban wēn ma
baptijem ekohhen.
Epumma nē elitsiet hen!



Ngāle ediko.....




Ngā...Ngānāng
mīn nēma
baptijem kohmin!


Ediko rangkhethung wah jabkhab
hōngjabkat lahma ngatwah....




Apa eroh moroh rē en.
Eroh koba Joban ma
chenni hūn ekah a epa
nāngma emo e.




Linlin, Nanga
Ngāchha. Ngāma
nāngnāng hūn ekī
ngāle nang demnāng
Ngā hūng sen
ekāng.



Wâ, Nang Hahsōng
pa chenkārah ngāle
nanghūng jūnko
chendanga!



Are nāng rōandōng rangkuh sanhā bāngdāng poat ko John Baptist ma Israel mihnyān hehnāng Messiah katrāng bēmlā lahma tōngrāng thôkoh wah. Ere sanpoat ko Israel pa Roman Lowang khhenko diak rinchha dāngwah.



Jordan joko John Baptist ma Jisu nāng thhetkat wah.

Sû en! Hahtokkhoh wah pap rêphête Joban Saak pa.




Tema baptijem kep diko, Joban Ju ma Jisu hahrânhko nāng sietchhôan wah.

Te a enāng ngih-roakbelî pen-roakbelî tōngwah. Te a enāng tōngthû ko Tema chenjô phhekchhah hō. Ate moatlem heh senthêmthêm jîenkhê rāng chenjô la-phhekchhah ma rangsôam lahma tōngwah.



Tâmoat rāngma, hahtokkhoh ko Jisu ma Joban mongthêm pa senthêmthêm khêsok min. Joban mongthêm pa mihnyān heh rit-amah chân ma khhekthîen ekah kowah jânphê hûn ekah..

Jisu ma Soitan jîenwah, mitma la-khêli rangnyak pênte, temâ hahtokkhoh pa rit-amah ngâle achhihjâli ma pêñ ekah.




Ewâ! Nangma chenni chien ehanga epa Ngâma emo ang!

Rohkomin Soitan, Ate ran pumma Jisu hûngnâng
Joban moatlem wah taangsiet chhôanrâng moatwah.

Dangmah! Nyapkhaa ko aroh raang ekah:
Mihnyân pa phhekchhah lôlô jünko
tahinmah, Joban jabkhab jünma bâ hin ekah.


Nanga Joban Chha madang oko are
lõng heh phhekchhah râng litsiet oh!



Nanga linlinjô Joban Chha
madang oko khêsoktan hang!
Rangsôam humkho pumma
jâ-toakkâ tan. Aroh raang
lahma tonga, nanga Joban
ngîntatte hehma etânglô hoh.

Linlin Nangma ngänâng khupjup
lohma masôam hangko, Ngâma
nangnâng hahtokkhoh kowah
chentô chân heh phangtang koh e!

Ephûmma Soitan ma Jisu
lôlô phêthien wah. Joban
ngîntatte heh kâ lahma
Tenâng toak-asân wah....



Aroh raang lahma mîn tonga:
Joban nâng hûng nekthhak tðan.



Soitan chhôan oh! Aroh raang
ekah: Joban nâng lôlô jôbâ
nângma toak-asân min ngâle
sôammin.




Chenthû Jisu Galilee wah
ngak-hok ko tenâng Asâthhôan
Ju ménchöang dângwah. Israel
diak wah are dekchhah-nge wah
mihnyân jahmôang sông ekah
diakko sôngwah. Ate loatkhhôam
poat ko jahmôang mihnyân ate
damko johkhhôam wah. Thinma



Jisu pa mõng-ama hehma
raangthientah Messiah pa
dang-ale dangmah a ngâma
jet-hûn dângwah



Galilee hahhôkho wah Cana hehnâng
nemnyansiet kuhhôan dângwah....



Nemnyansiet kuhhôan thîn ko
Jisu mîn ate nyöng ngâle ate
lemrûchha heh demnâng hokwah.






Phûmma kuhhôan nighthah ko.....

Nyahrâng hahrok chohwah!
Khem pa thhôan wah!

Jisu ma chenroh
moatrâng chien
ehen a eroh mo-en!

Jotêmdong heh joma menkien en
ngâle kuhhôan thîn wah sêmwâ
khhepho ma chenthat joktan a.




Aroh mä-thattat! Ngâma nemnyansiet thîn nang are rângrâng khhema ko
mä-thattat choh. Jopa khemrâng lit lahma! Nyahrâng khemsenthôan!



Epa Nazareth
wah Jisu moatlem!

Te a hén a?



Capernaum hah pa Galilee Josi kēwah nyahrāng ngahjah loatthīn the. Jisu ma are theko Joban Hahsōng ngīn pa mihnyān hehnāng bēngthōkoh wah!







Jisu ate dijûnte heh demnâng Galilee jaatang nângh mihnyân hehnâng Joban Hahsông ngînköng phôangthô ko lahma phôangkhöhôam wah. Tema jatrup khoanchhet heh mesiet rêwah, juchhîh heh jûnlöphe koh rêwah, phûmma mihnyân heh baarîf lahma Ate dijûn wah. Thin a jaahân wahnîn hokwah ngâle Israel hahnyöng dong Jerusalem wahmîn hokwah. Thin a ate jabkhab khabrup nângh baarit wah...




Rangkepte heh tangchhîh heh. Rangkhethung Hahsông pa thinthie.



Rêmma chêmte heh Rangkepte chenräng ma ngâko thin wok ephhoat a.




Asepte heh Rangkepte dângmin, chenräng ma ngâko thin a angit etherê a.




Ngã jünma mihnyân hehma nênhang nyahräng machhih hôanjôan henko né a Rangkepte dângmin. Khûhah nähah ngâle rînrôan bahsa dangen chenräng ma ngâko rangkhethung nângh né hînhô pa döngmôang tonga.


Nênâng mihma chenroh hôanhûn ekēn a ere rângrâng nêmamîn mihnâng eroh hôan en.




Nêran hehnâng hûn en ngâle thinrâng rangsôam koh en.



Moatlemsen pa ahuh ma huhmo en eroh koba mihnyân hehma larângthô edanghen.



Hêmma komîn dihiaknyû nâng phhetwân jebjeb sû ekah a ere pumma ate hûngnâng dihiaknyû demko kaamchhih lâmota.



Mit pa phoang rângma wêンphiak. Nêmit pa asen madang ako nê phoang phangtang wêンphiak dângmin. Phûmma nêmit pa anyek madang ako, nê a rangnyek nâng söng ekēn.



Hêmma mamîn Teso wânî tajien rôam sôangraang mah; epa Joban akomîn bâ techhû akomîn wantheh bâ tamin.




Nenep rângma neksekmah.

Khabâng ko Joban

Hahsông rângma
sekmahmêng oh ephûmma
lihân chentô heh edanga.





Nêma Ngä jab pa makep hako, nê a lõngrâ-khoh nâng humhôante rângrâng edangen. Nêma lekep madang hako, nê a sê-khoh nâng hôante rângrâng edangen.



Jâtheh nâng Capernaum hahnâng chenthû
mihnyân hehma Jisu hum ko khhôanhok ko.....

Nâng chenthûmîn tadânkhoam mih.



Epa suptokkho mabâ tâdâng
min; thînkêm ngâle chentô heh!

Nang pap heh
map lâ-kohtih!




Tema Joban nâng
jôannâm ekah!

Joban ma lôlôbâ mihnyân
pa ate pap wah tâsâsiet min!




Dâko mihwâ ko aroh ngat pa
chenni elat a: 'Nang pap heh
map lâ-kohtih' bâ 'Tôanchep oh'?




Messiah nâng pap mapkoh râng
chân tonga. Rohkomîn Ngâma
mîn ngâ-ekâng: Nang thînkêm
pa tôanpe lohma khoam oh!



Rohkomîn Jisu moatlem demko angā-ngā khūhah hō. Rangsôam moatlem moatte hehma Jisu ma piêntông niêm pa kep ekah le kepmah a ngāma jésok wah. Are rangwô jâko Israel diak ko rongrup moatlem moat pa nyahrâng chântâng lahma dângwah.






Jisu a Ate dijûnte heh demnâng Galilee
joko khhôankho ko chhang lahma dângwah.







Teso! Pêset hî!
Nanga lâthûmjâ ekî!
















Thinma thin khhôankho pa jopha ko thiethien
wah. Rohkomîn Hahkõngkho hehnâng....


RAAAHH!







Thomas ngâle Matthew (khhema
ko Roman heh rângma thâkho
khhôansê-thâte dângwah)



Thaddaeus ngâle ahân James.....



Simon, diak rângma ran
loatmînte, ngâle Judas Iskariot.




Chhôan en, Hênhêñ ma nê tângroo ehen a, epa Ngâ tângroo ehang, ngâle
hênhêñ ma Ngâ tângroo ehanga, Ngâ chienkatte pamîn tângroo ekah.



Echhi wânñi ngîntatte chhôantte
heh thin moatlem jûnko nyahrâng
rînrôan bahsa ngak-hok wah. Ere
diko Jisu thin demnâng hahkihthe
nâng chhôanrâng hûnwah,
rohkomîn loangchhâng pumma
ate lôlô chhôanthuk hõ.


Chhah munchoan pa jahmõang, rohkomîn chhahkhente pa amânccha.
Ate chhahthong mun ekah heh khhôankhhêñ râng chhahkhhênte
chienkat râng Chhah munchoan Tângte wâko rangsôam en.





Jisu ngīn-thôthû ngâle ademîn khoanchete sensiet ekah. San nyahrâng lâhemtah....


Philip, are mihnýän hehma chenkowah phhekchhah chhahmin a? Nangma chenrâng ma thinnâng chenni komîn la-phhekchhah thuk rē-koh a?



Dâjang jang-eset dekbî thâpa ngûn pa are mihnýän hehrâng lemah.

Ako delachha wâtheh nâng baankêwan-bengâ ngâle ngah lânii tonga:
Ako etôjô bâ tonga.


Mihnyän heh khûkhû ma roak-bengâ roak-bengâ ma tongthuk oh.




Jisu ma Joban nâng dangkoh a ngatwah...



Tema baankêngâle ngah pa chupsiet wah.



Jisu ma phhekchhah pa jatsiet lahma hahjat
bijat mihnyān hehnâng chhahthuk wah...



Te a katmin ngātah
Messiah pa tadanga.


Nāng ma Te a Lowang
rāng hôanmin!





Thatsû-tan! Echhi
phânñi chöngchöng
bâ lahma tonga!



Mihnyān heh humnâng wâng sanpoat lâ-thângtah.
Nêma khhôankho pa kep latma rânska nâng dänwâng en.
Ngâ a ako hahkõngkho ko rangsôam râng tongang.






Jisu pa Lowang ngāma phôangthô hûnte mihnyân heh dângwah. Thinma Ate khhapho khhenko Roman mihnyân heh ejûnlō a ngāma thonghûn ekah. Jisu lêlat nâng ate ran hehmîn jêngjah jêngjah dângwah. Thinma Tenâng nyahrâng chhihthô wah. Thinma mihnyân heh Ate lêlat nâng dangthuk lahma Ate demwah sietchhôan hûn wah.



Chhihjâte phhekchhah rângma neksekmah, rohkomîn rôantang lektóngte ngâle rôantang rôanjêng rôandông kohte phhekchhah rângma bâ sekmah oh.



Rôantang rôanjêng rôandông kohte phhekchhah pa Ngâ. Hahtokkhoh rôandông rângma Ngâ-phoang pa koh ekah.



Nângnâng are mihnyân pumma Ate phoang pa chenroh jîen phekthuk min a?

Sek-hôtâ!




Jisu lēlat nāng mihnyān heh jēngjah jēngjah rēwah. Ephūmma Tema Galilee Jaa thīnphe lahma Ate moatlem heh Israel wah thehān Jaa nāng Ate dijūnte khūtheh demnāng moatchhōan wah, eko dihiak dela dāngwah.

Galilee

Israel

Khhadi ko Te a Jerusalem nāng katwah.




Lemnāng khōamthū ko...

Mihnyān hehma Ngā a hēn edanga ngāma thonghūn ehanga?

Thinma nanga mōng ngāma thonghūn ehoh.

Ngāle nēma chenroh thonghūn ehah a?

Nēma Ngā a hēn edanga ngāma thonghūn ehah a?




Nanga Pângte, Ahin Joban Chha.



Mihnnāng hēnnāng jō nekthōkoh en. Messiah pa Jerusalem nāng wāng lahma enāng chēmchoh lahma ritmin. Rohkomīn Te a jārem jāko mengruk wah engaksat a.





Jerusalem hahdaang rangsâ ko rôantang ma mihnyân chîritphê wah. Thin a rittek chîrê wah, epa Roman mihnyân hehma achhihthhôan chêmsiet lahma chîritphê wah.



H  n kom  n te a Ng   demn  ng d  ng mah  n ako, Tema ate dede th  nph  r  i lahma ate b  nglhak pa t  anpe lahma Ng   dij  n min.

H  nh  n ma ate dede r  and  ng ko h  n ekah a ere hehma amahph   er   a. Rohkom  n h  nh  n ma ate r  and  ng pa Ng  r  ng ma mahphe ekah a ere hehma echoh a.



N  ma apa metkep jet en,
Joban pa w  tbeh l  l   b   tonga.

Al  mli ng  n wantheh pa n  ma Joban n  ng n  nâng chenni tonghen
a ere chent   pumma h  n ek  n, ng  le n  ma mihh  n hehnâng m  n
n  dede n  ng h  nrii ek  n r  ngr  ng h  n ek  n!




Ere sanpoat ko Israel diak nāng angêm khoanchhette heh sôngthîn hahdaang dângwah.

Angêm khoanchhet pa khoan nāng chîmâ mâchhih. Hênhêñ ma ere khoanchhet pa
choh ekah a ere mihnyân heh mihnyân sen heh demnâng chichohmînthuk hô.









Angêm khoanchhette heh chennâng
jô machhôan akomîn mihnyân hehma
thin kâ-erah ngâma jetrâng rak
lahma chîchhôan wah.



Jisu! Teso! Ninâng mâmminchêñ hî.





Jerusalem wah khapho
phannang hehma thin haa heh
Jisu phôangkhhôam thû ko Ate
nâng huh jê-jet räng chienkat
wah. Thin a Ate moatlem heh
lêlat nang dângwah.


Te a Roman mihnyân heh demnâng dang lahma mînchhih chohte mihnyân,
thin phoang sêngchhahte ngâle thâkho thât heh demnâng johrôam wah.

Messiah pa mah-asâmte mihnyân heh
phôanglêm lahma pèsiet räng kâ-erah.



Chenräng ma ngâko Jisu ma
Pientông jáko sênsiet wah...

Sen oh!



Ngâle latâ-lachhih hehma
Tenâng senthêm thôngsok wah...

Latâchha heh Ngâ tânâng
chenhû rah. Joban Hahsông
pa thin rângräng mihnyân
heh thiiek.



Jerusalem wah chentô lataang ko hahdaang wantheh Bethany ngāma dāngwah, eko Jisu roowah. Lazarus akhûn rē-ekah. Lazarus ngāle ate nyā wānîi Martha ngāle Mary pa Jisu lemruchha sen dāngwah. Chenthû Jisu Bethany nāng hokko Tema Lazarus pa mengruk nāng bīnkattah wah jābelîi lādangtah ngāma chohtat wah.



Teso, nanga anāng dāngwah ngāko, ngānaa pa larîmin wah!



Nang Naa pa ngaksat erē a, Martha.



Danga Ngāma jet. Te a athhōanjâ rangwô ko angak-hînjâ rangwô ko engak-hin a.



Ngā a ngak-hînte ngāle rōandōng. Hēnhēn ma Ngā nāng pūtē dâlem ehanga ere heh ehin a. Epa nangma pūtē dâlem ekoh le Martha?






Teso pūtē dâlem ekāng! Ngāma nanga Joban Chha hahtokkhoh ko katte tōamsêm wah Pângte pa ngāma pūtē dâlem ekî.



Nangma te a chenko bīnkattoh a?



Kāroh sûkătan roh, Teso!



Thatsûtan; Tema nyahrâng hûn ekah.

Rohkomîn Tema Lazarus rit wah tapêpâng mahnê?

Anâng meng heh khhet nâng doap lihma lóngrâ wah thutwah lóngken rukat ekî.

Lóng pa rēphe en!


Teso, anêm erê a; bînkattih wah jâbelî lâdang tah...

Nangma Joban chân pa ekhê o.

Wâ, Ngâma are jab ekâng pa are kowah chepte mihnyân hehma Ngâ a nangma chienkat wah ngâma chen püté dâlem a ngâma jab ekâng.

Lazarus, loatkâroh!

Jerusalem wah thô-ajabte hehma Jisu ngâle Ate
dijûnte heh jünma ajahthêm thongphâ wah.



Ere mihnyän pumma ajahthêm
apatriitli moatlem mo ekah.

Nângma apa arohjû madangthuk eko
Roman hehma nângnâng engâhî!

Thinma nâng rangsôam hum
ngâle nâng diak pa echhihsiet kohhî.





Nêma senthêm thonghûntan en!
Diaktang ma chhihsiet nôma
diaktang mînko wâtheh
mihnyän rit paba asen edanga.




Eroh jünko wah Jisu pa ritphê min!




Ere sanpoat phûmma Jewish
khapho phânnang hehma
Jisu Roman mihnyän hehnâng
loatkoh räng soansen pa
lêmsok wah.

Chenthû Jisu Bethany nâng dângthû ko...




Dânkhôam Lôkuh Phhekchhah chhah sanpoat pa edanga. Jahmõang mihnyän heh Jerusalem nâng katmin.





Hahdaang dong kowah rangsôam
hum pa angā-ngā rangsôam hok thîn.




Dâñkhhôam Lôkuh phhekchhah
poat ko saakchha heh chîoat wah.



Mihnyân heh Joban demnâng
nômê räng rangsôam hum ko
saakchha heh chîoap wah.










Rohkomîn chenni rängräng
saakchha heh joap lihma mihnyan
heh thin pap kowah tâpêsiet min a?



Jisu mîn eko dângwah...








Nāngma bē machēn eko Ate etalō e.
Ediko nāngma Ate eta ritphē e.

Ate loatkoh rāngma nēma
ngānāng chentō kohha?

Epa Ate dijūnte kowah
wāthe Judas dāngwah!

Rohkomīn lōkuh poat ko dangmah.
Nāngma Dānkhāom Lōkuh poat
ko chenni hahjāmjō hūnmih.





Ngāma nē deknāng Jisu elōkoh al!



Jisu rāngma nima nangnāng
roakrem chandī ngūnpha koh e;
epa hū-ahaā thā.



Khhapho phânnang hehma
 Tenâng ma-peklek akomîn,
 Jisu ma Dânkhôam Lôkuh mako
 Ate sanpoat heh mihnyân heh
 demnâng rangsôam hum nâng
 thômîn lahma chhôanthuk wah.






Ngāma chêmchoh mako are
Dânhhôam Lôkuh phhekchhah pa
nê demnâng rôamchhah râng hûnwah.

Thôte jabte mihnyân hehma
thinnâng sôangraang râng
mihhân thiên ekah, rohkomin
nêma eroh lamomin.

Angâ-ngâ haa dângte pabâ
nê khapho dângmin.



Ngâ a nê mongko haa
rângrâng dang ekâng.





Teso, Nangma hū-ahaa rāngrāng Ngādā mēkoh rāng ngā-ekoh ā? Eroh dangmah! Chenthūmīn ladangmin!

Peter Ngāma nangdā lamekoh madang eko, nanga Ngā demnāng dangmoh.

Teso, eroh madang ako Ngā kho mīn setkoh hang ngāle Ngādek mīn sōankoh hang!

Hēn komīn Jo sōanchoante hehma thindā lolobā mēmin.




Nēma Ngā nāng Teso ngāle hēthōte ngāma roo ehah, epa apun jōbā. Ngāma nedā mekoh ekah rāngrāng, eroh nēmamīn wātbeh ma wātbeh nāng sōangraang mīn en.



Nēkhū wah wātbeh ma Ngā esāng hah.




Chenthū mīn dangmek!

Epa Ngā nē?



Judas, Nangma chenni moatthīn a epa sitsiek mo oh!





Ere jâ sanhêmthah ko, Jisu le Ate dijûnte heh hahdaang kowah moatchhôan wah. Judas thin demko danghô...



Ngāma nê phêthien räng ngā-ekâng, rohkomîn Wâ ma nêñâng Asâthhôan Ju echienkat hen. Tema nêñâng echohsû hen ngâle rôantang nê demnâng etonghen.

Ngâ chhôan ekâng theko katlem pa nêma jet en.



Ngâ a lemkhô, toangtang, ngâle rôandông. Ngâ jûnma ladang ekah ko Wâ tânâng hênjô leta wângmin.




Nê a ako tongen. Ngâ a rôanchhe taangman ko rangsôam chhôan ang.




Wâ, apa matadang ako, are chêm pa Ngâ wah rêphe koh hang.



Rohkomîn, Ngâ hûng jûnko dangmah nang hûng jûnko chendanga!





Jisu sôam-aroakte adong chentô Jewish heh khhapho phânnang
adong tako siet-hok wah. Peter le John taangman ko jûnkhôam wah.



Peter thakho pankôan khhenko wângwah.



Nangmîn tedemko
dângwah dangmoh nê?



Dangmek! Ngâma are
mihnyân pa ajetjô jetmek.





Nangmîn thin demko
dângwah ladangnê?



Ngâma senthêm jet! Nanga eko
dangtoh! Nanga Galilee mihnyân!




Nangma chenni jab ekoh
a epa Ngâma jetmek.



Jisu Roman governor Pilat tako siet-hok wah. Ekowah sokte Jewish khapho phannang heh rakwah. Thinma rongrup ngîn heh sêkhâm lahma rakwah.




Nangma are sêkhâm ehoh
hehnâng chenni ngatmin a?
Chenni ngatthînjô ahõ nē?



Nangma chenni motoh a?




Ngâma toangtang pa
khêsokrâng kâ-erâng.




Chenni toangtang a?

Ngâma Tenâng chennijô thê
lahma chohlõ mek. Athânggeh a
Dânhkhôam Lôkuh sanpoat.
Ngâma hēn laangphe anga;
Barabbas laangphe ang ale Jewish
Lowang pa laangphe anga?







Ere sanpoat ko, Judas ma tema chenni motah a ere jūnko chhihthônghûn wah.





Ngāma lâthêmô tek.


Ngāma toangtang mihnyân lâsêngtek.



Epa ninâng chenni ngatthîn etonga? Epa nang moatlem bâ!



Jisu mihngðan wânii tungko rittek wah.



Wâ, thinnâng map koh oh. Thinma chenni mo-ekah a epa jetmah.

Bāngphak khoko, "Jisu, Jews heh Lowang," ngāma jatrem jabkhab ma raang lahma betkoh wah.

Jisu ma achhet jekthīn tipa jok-hō.

Sipâhi hehma Ate khhetchhup pa nyenmīn wah.




Nanga Joban Chha madang oko bāngphak kho ko wah jākāroh!

Nang dede pēpāngrī oh ngāle nimīn pēpāngħī!

Joban ran che oh. Nāngma choh ekī pa nāngma chenni motih a ere thā bā choh ekī, rohkomīn are mihnyān pumma chennimīn chhihmo mah.



Chenthū Nanga Nang Hahsōng theko mahūtoh ko ngāmīn chhēmhūn hang!



Rangngih mongtāng echhi
wannīî sanpoat ko sanjok wah.
Chentō pa nyekjâ rēwah.




Jisu nyōng Mary, ngâle Ate
dijûnte John nîî bângphak
kêko chap lahma dângwah.

Ade phûmma nêchhe
a nyōng achha lâdangtet.



E-Joban, E-Joban, nangma
Ngâ chenrâng thînphe ehanga?



Ngâ a...jolârîî ekâng!

Wâ, Ngâma Ngâ ju pa
nang dek ko koh ekî.



Apa...thhôantah.



Jisu sanhêmthah wanrem sanpoat ko ritwah.

Sîpâhi wâtheh ma Jisu chham ko pah ma suhwah; eko Jo le hêi hóngjènkat wah.



Nyapkhaa nâng aroh ngâ-ekah:
“Te a ajoatrâng saak sietchhôan
wah rângrâng sietchhôan ekah.”

“Te a nâng pap rângma pah ma
suhwah ngâle watrit wah.”
Phûmma athângheh Te a rîitah.

Te a katmin ngâtah Messiah
pa dang ale dangmah a?



Chep en, nângma Ate meng pa taru
ele tarumih a ngâma chhênwângé.





Dânkhhôam Lôkuh diko poattheah
bôantông diko, dihiaknyû heh
khûtheh lóngma tângheptah
mengruk ko katwah...



Nêma ahînte pa rîchoante heh
chhângko chenräng lêmsûkâ ekēn
a? Te a ngak-hintah, wâng latma
are ngîn pa Ate dijûnte hehnâng
thôwângkoh en!






Chenthû thinma are ngîn pa chohtat
phûmma Peter le John chhôankat wah.



Chenni dang ekah a?



Epa sek-hôtû!



Erejá rangwô ko Jisu dijûnte dang lahma pûtê dâlêm
asen ladangte wânî pa lemnâng khhôamte mihnyän
heh demnâng Jisu rittek jünma jabmîn wah.

Eroh madang ako nêma mõng nânge pütêmet nê? Ate mîndöng
chohthîn theko tâwâng räng Messiah ma chêm lachoh min nê?

Are chentô pa nyapkhaa ko lâraangthiên tah!



Mihwûnte heh phhekchhah
chhahthû ko buk hóngmah wah...

Phûmma epa Jisu
Ate dede dângwah!



Jisu dijûnte ahân heh lêmräng thin
a ekowah lemlïen ma chhôanwah.

Mary le Peter mîn dângwah!




Buknyöng...

Ngâma nênâng mêmô
dangen ngâma rânthô ekah!



Nêma apa Ngâ ngâma pütê
dâlem mahhah nê? Ngâdek
Ngâdâ ko sûtan hah!



E-Teso ngâle
E-Joban!






Khhadi jâroak belî khhenko Jisu
Ate dijûnte heh tâko hóngwah. Te
a châ-bengâ mihnyân tânâng mîn
poattheh ko hóngtah. Jâtheh nâng
moattat chhôantte khûtheh Galilee


Josi ko ngahhat dângwah...

Nênâng phhekchhah thîn
cheli komîn tonghen ã?


Ahõ, nima
mâchohlõ ekî!




Peter, Nangma Ngā nāng
Linlin hūn ehangle?



Jisu ma Peter nāng are ngīn
pa lōrem chhienwah.....



Teso hunkī, Nangma jet
Ngāma nangnāng hūn ekī.



Ngā saak heh sū-are oh!

Thonghūntan en, Ngā rōantang nē demnāng jū,
hahtokhhoh mā-thhōanthhōan ekah ko
rangwō roakweh Ngā nē demnāng edangang.




Are ngīn heh jab diko Jisu ma
hahtokhhoh pa phethīen lahma
rangkhethung nāng tōansietwēn
wah. Phūmma Tema arohmīn
jabwah Tema ngakkā lahma chentō
mihnyān hehwah achhih asen pa
rēnmin...

Ate dijûnte heh rangsôam nungma
Jerusalem nâng bêmtông wah.
Asâthhôan Ju, Joban Ju pa thinnâng
mêncôang dângwah. Jisu nâng
dangtah mântheh Ju pa athângheh
mîn thinnâng tong ekah. Tema
thin a mihnyân nyan räng dangthuk
ekah, ngâle thinma Jisu lache ma
phôangthô ekah.




Mihnyân heh thin lêlat nâng ajahjô madang
akomîn Jisu dijûnte heh Joban ngîntho
moatlem moatrâng chhôan wah.

Jisu pa Joban Chha!




Are ngîn pa nyapraang nâng
raang lahma mîn phôangkoh wah:

Chenthû Te a bângphak
ko rîtah ko Tema ate
dede phoang ko nâng
pap heh henphetah.
Erohwah nâng a pap
dangtûmih ngâle ade
phûmma nânga Joban
ma chenrok hûn ehî a
eroh tasõnge.



Hahtokkhoh wah Jisu dijûnte heh
phangtang rangsôam ngâle
Asâthhôan Nyapraang heh
wehrâng chohmîn wah. Thinnâng
Jisu rit pa chhêmhûn thukrâng
thinma baankên pa chupsiet ngâle
penrîti pa phenjok chîrê wah. Thin
hûngkhhen wah Ate Hûn pa
thinkhû tungko chenhûnmîn a
ngâma Joban ma hûnwah.

Jisu ma Joban moatlem pa
mihnyān hehrāng sēnrāng
hôanwah.



Jisu ma nāngnāng hūn eh!
Te nāng dangkoh a ngā-en
ngāle sōam en!

Joban ma rangkhhen Ko nyahrāng hūn lahma Ate Chha wātbeh lôlô
pamīn koh ekah. Hēnhēn ma Tenāng pūtē dâlem ekah a ere heh hēnjô
lamahjâ tûmin rohkomîn rôantang rôanjêng rôandông chohmin .

WILLEM DE VINK


Asâthhôan Nyapkhaa

Jisu ngînkông pa Asâthhôan Nyapkhaa ko raangthîen ekah. Asâthhôan Nyapkhaa nôma ajah ahân nyapkhaa thatweh mah, ngâle athûhehmîn wehmah. Are Asâthhôan Nyapkhaa khhen ko ahân Nyapkhaa mîn ajahthêm johroapsiet ekah. Nyapkhaa heh phangtang târaang râng 1500 rangpâ lêmwah. Asâthhôan Nyapkhaa pa 1900 rangpâ mako târaang wah. Are Asâthhôan Nyapkhaa ko Joban pa mihnyân heh rôandông ko chenroh mo- ekah a ere ngînkông heh chentô pa raang ekah. Jisu ngînkông pumma Joban pa hêñ a epa senthêmthêm khêsok ekah.

Jisu ngînkông


Asâthhôan Nyapkhaa ko Nyapkhaa khaabelî ko Jisu jûnma raang ekah. Ere Nyapkhaa heh mîn pa araangte heh mîn pa koh ekah. Nyapkhaa raangte heh Jisu sanpoat ko dângwah.

1. Matthew pa Jisu dijûnte dângwah. Tema thâkho-thâ moatlem moatwah. Tema Jisu Israel mihnyân heh demnâng chenroh dangtah a ere jûnma raang ekah (Jews mihnyân)
2. Chenthû Jisu ma ate moatlem bângmo tah poat ko Mark pa paangmihchha dângwah. Tema Jisu ma apatritli moatlem motah hehwah rôanchhe raang ekah.
3. Luke pa khoanchhet sokte doctor dângwah. Tema Jisu senthêm jetmah. Luke ma Jisu mihnyân heh demnâng chenroh dangtah a ere heh raang ekah.
4. John mîn Jisu dijûnte dângwah. Tema Jisu pa hêñ a epa khêsok ekah. Jisu pa Joban, Te a mihnyân heh thin pap wah Pêsiette.




Jisu chhat

Jisu wûnthû ko Jisu nyöng Mary dela-nâng mäwäng dângwah. Jisu mächha-chha ko te a asâma dângwah. Rohkomîn Jisu jîenchhat râng Joban ma moatwah. Are apitritli moatlem ngîn pa Jisu chhat sanpoat bâmbâm mama Nyapraang nâng raang lahma loatthô wah. Jisu pa wantheh ahâng lôchân bâ adong alang humnâng chhatwah dangmah. Te a mânhô nâng chhatwah, eko rumbaam min ahô dângwah.



Jisu ma apatritli moatlem moat

Jisu ma apatritli moatlem jahmōang moatwah. Asâthhôan Nyapraang ma 40 nôma ajah khoanchhet sênsiet ngîn raang ekah. Are apatritli moatlem hehma Jisu ma Joban chân ngâle Joban hûn-achhet heh khêsov ekah ediko Tema mihnyân nyûchha nâng chohsok hûn ngâle thinnâng khûhahthuk hûn pa khêsov ekah.



Jisu rit ngāle ngak-hîn



Jisu chenrāng ma ritwah a? Ere ngīn pa Asâthhôan Nyapkhaa ko raang lahma tonga.

Chentô mihnyân nyûchha ma kaamchhih rângmo e. Joban ma lasenchoh- li moatlem ngâle Ate rînkahli ediko Ate hûngkêli rângmo e. Eko pap ngâ- ekah. Ere pap hehma mihnyân nyûchha pa Joban demnâng lemruçhha dângwah jeksiet ehî. Erohwah Jisu kâ- erah. Nângma chêmchoh thîn dangtih pa Jisu ma Ate dede hûngsi ma nâng kitko chêmrîf ekah. Ere chêmchoh pa arit pa. Jisu nânggrâng ma ritdî, nânga Joban demnâng lemruçhha ngakdang ekî. Rohkomîn nângma chenni chhîmotih a ere rângma nângmin mapthâthîn tonga.

Jisu arit wah ngak-hintah. Joban ma Ate ngak-hînsiet wah. Ere jûnko Joban ma Te a arit chân nôma mîn achân ngâma khêsok ekah.

Athângheh Jisu Joban demnâng sông ekah. Ngâle Ate ahînte dâng jûnko, Te a rôantang nâng lemruçhha tadang ekah. Tema nângnâng Joban rînmeli rôandông jiendông râng chohsok hûn ehî.

Rangsôam

Nêma kaamchhih motet rângma machhih thonghûn enko ngâle nê a Joban lemruçhha dâng mahûn enko, Nêma are rângrâng rang tasôam en: "Joban, Nangma ngânâng hûn ehang.

Nangma Jisu koh ehî, Nangchha wâtheh lôlô pa. Ngâma chentô kaamchhih motek heh rângma Te a bângphak ko ritwah. Ngâma chenni kaamchhih motek a ere heh map kohhang. Ngâ lâ- thêtak.

Dangkoh a ngâ-ekî, chenrâng ma ngâko Jisu ma pâng ehang. Ngâ rôantang ma nangrâng dânghûn ekâng. Nangma chenroh rôandông dônghûn ehang a ere rângrâng rôandông jiendông râng chohsû hangâ? Nanga rôantang ngâ-nâmko tonghangâ? Ngâ rangsôam chohtat-dî dangkoh a ngâ-ekî. Nangma chenni tóamsemtoh a epa mo oh.

Jisu ngāle nang

Jisu ngānkōng pa athhōan ahō. Jisu pa ajahthēm mihnyān heh lemručhha dāngwah, khhamā-thū komīn ngāle athūhehmīn. Rangkhhen pa litjā tah. Ajahthēm mihnyān heh donkey makhoamtūmah, ngāle mokkhoh nāng mīn chhangtūmah, rohkomīn gāri ngāle pukrien ma putū ekah. Rohkomīn epa Jisu rāng ma chenni ngāndong jō dangmah. Te a Israel nāng phāngkhōam poat ko dangtah rāngrāng athūhehmīn nāngkē nāngnā nāko tadanga.

Te a mitma lakhē tadanga, rohkomīn Te a linlin toangtang. Te a thejā nang lemručhha dānghūn ekah. Nangma Te- ngīn tat oh ngāle nangma Tenāng hūn oh.

Nangma Jisu jūnma ajahthēm ngīn jet- hūn eko leh, ngāle Ate demnāng rōandōng dōng-ngīn jet-hūn eko leh? Eroh madang ako are heh mo- oh:

1. Nang dede rāngma Asāthhōan Nyapraang weh oh (khhabāng ko Luke ma raangwah heh bāngweh oh).
2. Rangsōam en (Joban demnāng jabmīn en ngāle Ate ngīn jetat en- nangma jabkhab pa tiembangbang jabmīn jōbā dāngmin ngāma dangmah).
3. Mihhān demnāng Jisu ngīn ngāle Asāthhōan Nyapraang jūnma jabmīn en. Jisu ma Ate dijūnte heh arāamma rōamchohmīn hūn ekah, ngāle thinma Ate ngīn hépoat ko wātēh ma wātēh hūng chen-dongsietmīn a.



Translator Name: **Rev. Thokwang Mema**

Publisher: KRISTALAYA MERCY MISSION

Printed: Kristalaya Printers

Text and illustrations: Willem de vink

Copyright 1993 Stitching Wereldtaal, Rotterdam, The Netherlands,

Published in Dutch as "Jezus Messias". Edition in **Nocte Naga** 2025: ISBN: **978-94-93321-30-4**

Digital copyright under the terms of the Creative commons BY-SA licence.

All right of translation, reproduction and adaptation reserved for all countries.

Worldwide co-edition organized and produced by: Wycliffe Netherlands,

E-mail: jmpbk.app@gmail.com Web: jesusmessiahcomicmedia.com/india

Jisu Messiah

Apa Jisu Messiah linlin ngînkông. Te a Israel diaknâng 2000 rangpâ mako sôngwah. Ate demnâng chihmînte angâ-ngâbaarit rîwah. Ate ma jabtah rângrâng jabkhab hênmamîn thatjabmah. Chenko Jisu chhôan ekah a ere theko apatritli moatlem chîmoat wah. Ngâle hênhêna ma Ate ngîn ko senthêm jetat ekah a eheh chentô nâng Tema khûhah nâhah ngâle rînrôan bâsa kep-hokkoh wah. Phûmma babuk ma epa hôngiek wah. Ate ran hehma ritphê wah. Rohkomîn eko Jisu Messiah ngînkông pa jekmah, ediko mîn dângiûjû dang ekah.



Language : Nocte Naga

ISBN : 978-94-93321-30-4